

Тайё вунлытём нель во

Ми öнi олам сэтшöм инын, кöнi оз мун некутшöм вир кисьтана тыш, вермасьöм каналöм да шайт вöсна. Ми ог нин тöдöй, мый татшöмыс кынмалöм, тшыгьялöм, миян сьөлöмлы дона йöзöс фронт вылысь виччысьöм, кор тэ медбөрья вынсьыд зiлян кутны ассьыд синватö, но, мыйлакö, медся ковтöм здукö найö пыр жö мыччысьöны ортсыö. Öнi, кызьöд вояскöд орччöдны кö, судзсяна да вöвлытём олöм! А ми ещö быд пöрйö элясям сы вылö... А тадзи öд эз пыр вöv. Вайö сöмын уськöдам тöд выланым Ыджыд Каналан тыш, кодi пузувтiс став олöмсö войтырлысь, вайис ыджыд ускöттö.

Ме чайта, мый быдөн тöдö, мый сэтшöм тыш, кымын дой, öткэлун да помасьлытём дой новлöдлö тайö кывйис. Но быд тыш – тайö и аслыспөлöс мытшöд вермöм - доньялöм. Öд сийö вöли вермö торйöдны мортöс аслас котырыскöд, но сэккосттi жö и сетны сылы выль бур ёртьясöс, саратникьясöс; вийны меддона мортсö, радейтчöмлунсö; но и сетны лача бур олöм да вермöм вылö.

Но, дерт, медся ыджыд пас историяö колис, да медся ыджыд шог йöзыслы вайис медбөрья Ыджыд тышыс. Заводитчис сийö лöддза – номья тöлысся 22- öд лунö 1941 воын. Тайö сьökыд каднас ставныс петкöдлiсны ассьыныс пытшкöслунсö, повтöмлунсö, чорыдлунсö, ёнлунсö, сюсьлунсö. Россия пасьтала войтыр ас кöсйöм сертиныс вöзйысисны вермасьны вөрöгкöд. И вермасисны найö ылöдчытöг, горшлунтöг, аслыныслы выгöда корсьытöг. Фашистьяс жö, мöдарö, вöчисны вель уна лёктор миян ас войтырлы: сьөлöмтöг, мövпыштöг, некодöс жалиттöг виялiсны - дойдалiсны ставнысö: и поснисö, и гырысьсö. Вермöм вöсна тышкасисны эз сöмын мужичöйяс, но и нывбабаяс да челядь. Нывбабаяс тшökыдджыка уджавлiсны медпунктъясын, госпитальясын, фронт вылын санитаркаалiсны. Ичöтик, жебиник пельпомьяс выланыс петкöдлiсны вир кисьтана тышысь сьökыда

ранитчөм, ассыныс нельпөв вынйөраджык мужичөйясөс. Кызь нель часөдз
вөліны кок выланис, а узылісны кө, то сөмын кык-куим час, тшыгъявлісны...
Мукөддырйиис налөн эз кольлыны вынъясыс весиг вөчны өти воськов, но та
вылө видзөдтөг, найө босьтлісны ассыныс волянысө кулакө да водзө
нуөдлісны вермасьөм лөк вөрөгкөд, коді уськөдчис миян Рөдина вылө. И
тадзи мыйөн вермисны, сійөн и отсавлісны асланым войтырлы. Став пөлөс
йөзыс вермисны сэки шыөдчывлыны нывбабаяс дорө, и некод на пиысь эз
кольлы дозьөртөг да отсөгтөг. Челядьөс тайө шуштөм кадас тшөтш позьө
шуны геройсөн, чужан му мездясьясөн. Öд на пиысь некод эз кольчыв бокө.
Асланыс ичөт арлыд вылө видзөдтөг, найө пыр вөліны дасьөсь вөчны

-1-

подвигъяс, керөм - вөчөмъяс, кодьясөс оз быд ыджыд морт вөчны вермы. И
тайө налөн

зэв бура артмис.

Быд морт миян ыджыд Рөдина пасьтала пунктис ыджыд пай советскөй
армиялөн вермөмлы. Фашистьяслөн вынныс вөлі ыджыдджык, да и налөн
вөлі унджык шансыс Вермөм вылө, но налөн эз вөв өтчукөрлунныс, ыджыд
отсөгныс, өта-мөдныслы эскөмныс. Найө быттьө роботъяс, кодьяслөн вөлі
өти мог – бырөдны роч мусө да войтырсө, Россиясө. Тышыс помасис ода –
кора төлысья 9 – өд лунө 1945 воын. И быд во тайө каднас ми пасьям
ыджыд, медшөр миян олөмын гаж – Ыджыд Вермөм. Тайө гаж дырйиис
быдөн мөвпалө на йылысь, кодьяс дорисны миянлы тайө Вермөмсө,
ассыныс юрнысө пунктисны миян олөм вөсна.

Вайөй мөвпыштамөй, мый эськө лоис, эз кө вөв тайө тышыс,
фашистьяс эз кө уськөдчыны миян му вылө. Сэки эськө эз кувны сы мында
йөзыс, эз вөв татшөм сьөкыд олөмыс миян. Зэв важөнсянь өд Россия вылө
завидь синмөн видзөдісны зэв уна суйөрсайса государство, найө көсйисны
босьтны аслыныслы помтөм - дортөм, вынйөра, озырлунъясөн озыр муяссө.

Та вöсна вöлі зэв уна тышыс, и эз пыр вермöмыс вöв Россиялөн. Колок, буретш та вöсна, фашистскöй Германия смелмöдчис да артыштис, мый миян йöзыс слабöсь, лёка дасьтысьöмаöсь тышъяс кежлас. Со и заводитис жмитчыны Россия вылö. Но, кыз и пыр лоö быдөнкöд, фашистьяс ворссисны. Найö эз виччысьны миянсянь татшöм вынсö да вермыны, ас му дорйыны вөрöгысь кöсйöмсö. Öд тышлөн медводдза луньясас – тöлысьясас фашистскöй Германия вöлі, дерт жö, ёнөн, бура дасьтысьöмаөн, да ськöд вöлі сьöкыд вермасьны. Но, недыр падъялыштöм бöрын, россияса войтыр öтувтчисны, чукöртисны асьыныс став выннсö, повтöмлуннысö да сетисны вөрöглы сэтшöм тыш, мый найö öнiöдз на та йылысь казътывлöны.

Ме чайта, мый тайö тышыслы вöлі колö быть лоны, ставыс мунис ас чередөн. Ми петкöдлим ставныслы асьынымлысь вынйöрнымöс. И эз кö вöв тайö тышыс, миян вылö усьласисны да усьласисны суйöрсайса войтыр, кодьяс öнiöдз на кöсйöны дзоньнас кисьтны миянлысь медрдейтана Россиянымöс. И тi тöданныд? Меным тшöкыда волö юрö татшöм мöвп: öнi кö миян вылö уськöдчасны, то ми вермам и ворссьыны тышсö... Миян öнiя том войтырным öнiя кадö зэв ёна торъялöны важ кадся войтырысь. Онi ми прöстö эськö повзим, кутим дзебсясьны, сöмын бы дорйыны асьнымöс, а мöдьяс йивсьыс весиг эг думышглöй, шогö усим. Со öд кызди вермас лоны. Та вöсна миянлы быть колö мöд ногөн овны, мöвпыштны аския олöм йылысь, и сэки ми быть вермам медся

-2-

повзьöдчана да ён вөрöгсö. Эз öд весьшөрö кисьтны вирнысö да пуктыны юрнысö миян пöрысь пöльяс да пöчьяс. Тайö бөрья ыджыд тышыс колис миянлы эз сöмын лёкторсö. Онiя кызвын йöзыс ёнджыка кутисны пыдди пуктыны, мый ми олам тыр - бура, вермам нимкодьясьны вөр-ваөн, сывны, йöктыны, велöдчыны. Öд тайö ставыс миян – асланым! И миянлы некызди оз позь вунöдны, кутшöм ыджыд вынён тайö миянлы ставыс судзсьыс. И миян могным – не вунöдны ставсö тайöс да видзны, радейтны асьыным

мунымӧс. И сэки некутшӧм вӧрӧг оз лысьт весиг мӧвпыштны уськӧдчыны
миян вылӧ.